

Martsip 31-iat 2015

UPA2015/017

### Naqqiut

(Siunnersuut jaanuaarip 29-ianni ullerluneqarsimasup una taarserpaa. Tunngavilersuutaa allannguuteqarpoq, qulequtaa allannguuteqanngilaq.)

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Uummasuutillit tunisassiornikkut, ingerlatsinikkut malitsigisaanillu uummasuutit pissarsissutaanerat annertusarniarlugu pissutsit atugaat pillugit pitsaangorsaanissaq pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Suka K. Frederiksen, Siumut)

### Tunngavilersuut:

Nunalerinermik inuussutissarsiornerup aningaasatigut imminut akilersinnaasumik ingerlatsiniarsarinera unamminartorsiorfiuvoq. Inuussutissarsiummi ingerlataqartunit unerartoqarpoq, ukiunilu kingullerni arlalinni nunalerisunik nutaanik aallartitsisoqarsimanngilaq, naak uummasut toqoragassat amerlatsisarniarneqaraluartut - minnerunngitsumik Narsami toqoraaviiupnutaarluinnaq sananeqaraluartoq. Uummasut toqorarneqartussat siunissami ikiliartuinnarnissaat ilimnarpoq, qanoq iliuuseqartoqarnianngippat.

Maanna ukiuni arlalinni ilisimavarput nunap ilaanni sumiiffinni aalajangersimasunineriniartitsivinni ajornatorsiortoqartoq, minnerunngitsumik Qassiarpuup eqqaani. Tamanna assigiinngitsutigut ajornatorsiutaavoq, nunalerinermi ingerlataqartunut unammillernartorpassuarnik nassataqarmat, soorlu nersutit toqoragassat oqinnerulernerat, malitsigisaanillu savaaqqanit iluanaarutit ikileriarlutik. Allatigut aqutissiuisoqarsinnaavoq soorlu uummasut assartorlugit aasaanerani ivigartorfiusinnaasunut allanut, aammalu uummasuuteqarnikkut ingerlatsereersut unerartut ingerlataat nangeqqillugit tigullugit, taamaalilluni annertuumik ingerlatsinermi iluaqutit periarfissaalersinnaammata.

Uummasuuteqarnermi iluanaarutip annertussusissaanut naasoqassuseq neriniartitsiveqarnerlu apeqqutaalluinnarpoq. Silaannaap pissusaa allanngoriartorpoq ivigartorfiusussallu pissarsiffiusinnaanerat anorimit silamillu sunnerneqartarpoq. naapertuutinngilaq sumiiffinni aalajangersimasuni uummasuutit amerlavallaaleraluartut

qanoq iliuuseqartoqanngimmat, tamanna inuussutissarsiummut ajunaarutaagalaluartoq. Neriniartitsivinni misissuinerit 1980-kkunni kingullermik ingerlanneqarput.

Naalackersuinikkut kissaatigineqarsimavoq uummasuuteqarnermi sapinngisamik uumasut assigiinngitsut tunngavigineqassasut avataaniik neqimik tikisitsisarneq annikillisarniarlugu. Pisariaqarpoq, uummasut sorliit sumi pingaarnersiuinikkut aaqqissuussinikkullu ataqatigiisarneqarnissaa, nuna nungullarnissaat pinaveersaartinniarlugu.

Pingaaruteqarpoq, uummasuuteqarnikkut ingerlatsiniartut naatitanillu naatitsinerup inatsisip nalunaarutillu nutarternerani ilanngunneqarnissaat, qulakkeerumallugu, inuussutissarsiummi suliniutitut kissaatigineqartut ineriartorsinnaanissaat.

Ullumikkut nalunaaruteqarpoq "Nunalerinermik nakkutilliineq pillugu", nalunaarut toqqammavigalugu iliuuseqartoqartarpoq sumiiffiit aalajangersimasut pillugit saaffiginnittoqaraangat.

Pisariaqarpoq uummasut pisariaqartitaat nalunaarutini aamma illersorneqarnissaat, aammalu inassutinik unioqqutitsisoqartillugu kinguneqartitsisoqartassasoq.